

INUIT ATAQATIGIIT

INATSISARTUNI



Nuuk, 16. april 2013

Inatsisartut Suleriaasianni § 37 naapertorlugu Naalakkersuisunut imaattunik apeqquteqarpunga.

(Inatsisartuni ilaasortaq Sara Olsvig, Inuit Ataqatigiit)

Apeqqutit:

- 1. Piffissami 2001-imit 2006-imut Kommissionen for Videnskabelige Undersøgelser i Grønland-imit aningaasalersorneqartumik København-ip Universitet-iani Kalaallit Nunaanni retssociologii pillugu professorat-eqartitsisimaneq atorunnaarsinneqarsimasorli pillugu Naalakkersuisut qanoq pisoqavissimaneranik nassuiaateqaqquneqarput, tassami atorfik pineqartoq København's Universitet-iata Ilisimatusarfiullu isumaqatigiinniuteqareernerisigut ivertinneqaqqittussaasimagaluarmat (soorlumi tamanna Folkeeting-ip Grønlandsudvalg-iata apeqquteqaateqarnera nr. 71 tunngavigalugu danskit ilisimatusane-mut, nutaaliornermut qaffasinnerusumillu ilinniartitaanernut Ministeriata 19. marts 2013 akissuteqareerneratigut ersertoq).**
- 2. København-ip Universitet-iani Kalaallit Nunaanni retssociologii pillugu professorat-imik ivertitsisoqarsinnaanera pillugu Naalakkersuisut danskit naalakkersuisuinut oqaloqateqassallutik piumassuseqarpat?**

Tunngavilersuut:

Kalaallit Nunaanni eqqartuussiveqarnikkut aqqissuussineq sumiffikkaartumillu eqqartuussiveqartitsineq ingerlaavartumik annertuunik unammilligassaqartuarpoq, ukiunilu makkunanerpiaq nunap immikkoortuini eqqartuussiveqarnikkut allanngortiteriniarneq utaqqineqarsimaqisoq piviusunngortiteriffiusussaavoq. Kalaallit Nunaanni eqqartuussiveqarneq pillugu Ataatsimiititaliarsuup Isumaliutissiissutaa 2004-imeersoq malillugu erseqqissumik tamanna inassutigineqareermaat aammalu Kalaallit Nunaanni eqqartuussiveqarnikkut pissutsit pillugit allani immikkut ilisimatusartoqanngimmat, isumaqarnarpoq kingumut Kalaallit Nunaanni retssociologii pillugu professorat-imik ivertitsisoqaqqittariaqartoq.